

**REUNIÓN DA COMISIÓN 6ª, INDUSTRIA,
ENERXÍA, COMERCIO E TURISMO**

Día: 23.10.2020

Hora: 10:30

A Comisión 6ª, Industria, Enerxía, Comercio e Turismo, da que vostede forma parte, reunirase o próximo día 23 de outubro de 2020, ás 10:30 horas, no pazo do Parlamento.

A orde do día é a seguinte :

Punto 1. Preguntas

- 1.1 915 (11/POC-000122)
Grupo Parlamentario Popular de Galicia
Tellado Filgueira, Miguel Ángel e 7 máis
Sobre as iniciativas que puxo en marcha a Xunta de Galicia para impulsar proxectos empresariais innovadores ligados á achega de solucións contra a covid-19 e á fabricación de medios de protección e control
Publicación iniciativa vía urxencia, BOPG n.º 9, do 02.09.2020
- 1.2 2466 (11/POC-000389)
Grupo Parlamentario dos Socialistas de Galicia
Torrado Quintela, Julio e 3 máis
Sobre a valoración que fai o Goberno galego da situación actual da conserveira Thenaisie Provoté, asentada no Grove e coñecida como a fábrica de Rons, e do seu centro adxunto de Mos, e as actuacións levadas a cabo para o mantemento da súa actividade e do seu emprego, así como as razóns da intervención levada a cabo polo Igape respecto dunha posible solución
Publicación da iniciativa, BOPG n.º 23, do 30.09.2020

Punto 2. Proposicións non de lei

- 2.1 1093 (11/PNC-000088)
Grupo Parlamentario dos Socialistas de Galicia
Otero Rodríguez, Patricia e 2 máis
Sobre a constitución polo Goberno galego dunha mesa de traballo para a elaboración dun plan específico de reconstrución para a Mariña lucense que conteña unha estratexia para a súa reactivación económica
Publicación da iniciativa, BOPG n.º 12, do 08.09.2020
- 2.2 2358 (11/PNC-000238)
Grupo Parlamentario do Bloque Nacionalista Galego
Fernández Alfonso, Ramón e 2 máis
Sobre a posición do Parlamento de Galicia e as actuacións que debe levar a cabo o Goberno galego respecto da situación da empresa Xeal (antiga Ferroatlántica). (Procedemento de urxencia)
Publicación iniciativa carácter urxencia, BOPG n.º 23, do 30.09.2020
- 2.3 2494 (11/PNC-000262)
Grupo Parlamentario do Bloque Nacionalista Galego

Fernández Alfonso, Ramón e Pérez López, Daniel
Sobre as demandas que debe realizar o Goberno galego ao Goberno central
en relación coa situación de Navantía Ría de Ferrol
Publicación da iniciativa, BOPG n.º 23, do 30.09.2020

Os grupos parlamentarios poderán presentar emendas ás proposicións non de lei ata seis horas antes do inicio da sesión, ao abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 14 de outubro de 2020

Marta Nóvoa Iglesias
Presidenta da Comisión

RELACIÓN DE MEMBROS DE COMISIÓN 6ª, INDUSTRIA, ENERXÍA, COMERCIO E TURISMO

POR ORDE ALFABÉTICA

Mesa

Presidenta	
Marta Nóvoa Iglesias	P
Vicepresidenta	
Cristina Sanz Arias	P
Secretaria	
María Leticia Gallego Sanromán	S

Vogais

José Antonio Armada Pérez	P
Ramón Fernández Alfonzo	BNG
María do Carme González Iglesias	BNG
Daniel Pérez López	BNG
Noelia Pérez López	P
Ovidio Rodeiro Tato	P
Martín Seco García	S
Miguel Ángel Tellado Filgueira	P
Borja Vereza Fraiz	P

Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

1. Preguntas

Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

1.1 915(11/POC-000122)

Grupo Parlamentario Popular de Galicia

Tellado Filgueira, Miguel Ángel e 7 máis

Sobre as iniciativas que puxo en marcha a Xunta de Galicia para impulsar proxectos empresariais innovadores ligados á achega de solucións contra a covid-19 e á fabricación de medios de protección e control

Publicación iniciativa vía urxencia, 9, 02.09.2020

Á Mesa do Parlamento

Miguel Ángel Tellado Filgueira, Marta Nóvoa Iglesias, Cristina Sanz Arias, Gabriel Alén Castro, José Antonio Armada Pérez, Noelia Pérez López, Ovidio Rodeiro Tato e Sandra Vázquez Domínguez, deputados e deputadas do Grupo Parlamentario Popular de Galicia, ao abeiro do disposto nos artigos 98, 152 e concordantes do Regulamento da Cámara, presentan ante esa Mesa a seguinte **Pregunta Oral en Comisión 6ª, Industria, Enerxía, Comercio e Turismo polo trámite de urxencia.**

Xustificación da urxencia.

A urxencia ven motivada pola necesidade de que o Goberno Galego explique canto antes a súa posición sobre un tema de gran interese na nosa Comunidade Autónoma.

Exposición de motivos.

A pandemia da COVID-19 trouxo consigo un impacto de primeira magnitude na economía mundial, derivado dos meses de confinamento e das incertezas que se estenden aínda no panorama nacional e internacional.

A anticipación coa que Goberno galego xestionou a situación de emerxencia sanitaria en diversos eidos levou a que se aprobasen de inmediato proxectos innovadores para facer fronte á pandemia, tamén desde a nosa Comunidade.

Nestes meses, a administración autonómica traballou co principal obxectivo de garantir a saúde dos galegos e galegas, ao tempo que se desenvolven os apoios precisos para que o tecido empresarial poida facer fronte o mellor posible á situación actual.

Deste xeito, puxéronse en marcha liñas de actuación en ámbitos diversos coma a transformación dixital e a liquidez das empresas, así coma a dotación de fondos para o financiamento para proxectos de investimento levados a cabo polas empresas galegas que permitan impulsar a fabricación tanto de material de seguridade como de solucións innovadoras que axuden na loita contra a COVID-19.

Por todo isto, os deputados asinantes formulan a seguinte pregunta oral en Comisión:

Que iniciativas puxo en marcha a Xunta de Galicia para impulsar proxectos empresariais innovadores ligados á achega de solucións contra a COVID-19 e fabricación de medios de protección e control?

Santiago de Compostela, 26 de agosto de 2020





PARLAMENTO DE GALICIA
REGISTRO XERAL ENTRADA
Data asento: 27/08/2020 09:30:00
Nº Registro: 915
Data envío: 26/08/2020 20:10:32.754

Asinado dixitalmente por:

Miguel Ángel Tellado Filgueira na data 26/08/2020 20:02:59

Marta Nóvoa Iglesias na data 26/08/2020 20:03:19

Cristina Sanz Arias na data 26/08/2020 20:03:34

Gabriel Alén Castro na data 26/08/2020 20:03:50

José Antonio Armada Pérez na data 26/08/2020 20:04:02

Noelia Pérez López na data 26/08/2020 20:04:14

Ovidio Rodeiro Tato na data 26/08/2020 20:04:23

Sandra Vázquez Domínguez na data 26/08/2020 20:04:37



Parlamento de Galicia. Rúa Hórreo, 63 | 15701 Santiago de Compostela | Tel. 981 551 510

[gp-pp@parlamentodegalicia.gal](https://www.parlamentodegalicia.gal)



Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

1.2 2466(11/POC-000389)

Grupo Parlamentario dos Socialistas de Galicia

Torrado Quintela, Julio e 3 máis

Sobre a valoración que fai o Goberno galego da situación actual da conserveira Thenaisie Provoté, asentada no Grove e coñecida como a fábrica de Rons, e do seu centro adxunto de Mos, e as actuacións levadas a cabo para o mantemento da súa actividade e do seu emprego, así como as razóns da intervención levada a cabo polo Igape respecto dunha posible solución

Publicación da iniciativa, 23, 30.09.2020



PARLAMENTO DE GALICIA
REXISTRO XERAL ENTRADA
Data asento: 24/09/2020 16:30:00
Nº Rexistro: 2466
Data envío: 24/09/2020 14:29:05.629

Á Mesa do Parlamento

Julio Torrado Quintela, Martín Seco García, Patricia Otero Rodríguez e Leticia Gallego Sanromán, deputados e deputadas pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **oral** en **Comisión 6.^a, Industria, Enerxía, Comercio e Turismo**.

A empresa conserveira Thenaisie Provoté, coñecida como “a fábrica de Rons”, situada en O Grove e con local tamén en Mos onde se realizan algúns labores complementarias para o traballo global, estase a ver nunha situación incerta que afecta, fundamentalmente, ás súas traballadoras que suman un número estable en torno a 125 pero que, de maneira habitual, increméntase con traballadores temporais debido ás cargas de traballo.

A fábrica atópase nun proceso de concurso de acredores, que ameaza con deixar na rúa ás traballadoras dunha empresa que resulta fundamental para a poboación de O Grove pola súa vinculación co territorio e o volume de traballadores/as directos e indirectos afectados/as.

A situación ten posibles saídas, pois foron coñecidas propostas de compra da empresa que poderían resolver a situación e afrontar con nova forza un proxecto empresarial. Nesta solución existiron moitos axentes que contribuíron, como os representantes dos traballadores a través das organizacións sindicais ou o Concello de O Grove a través do seu alcalde. Non en tanto a Xunta de Galicia estase convertendo nun obstáculo para a solución, pois a intervención do Igape está enlentecendo a situación e dificultando unha solución. Polo contrario, tampouco ofrece a Xunta de Galicia outra vía para resolver o conflito, polo que nin fai nin deixa facer.

A importancia absoluta na vila e na comarca do mantemento da actividade e o emprego nesta fábrica é determinante para que todas as administracións poñan todo o seu esforzo para resolver a cuestión.

Por todo o exposto, os deputados e as deputadas que asinan formulan as seguintes preguntas para o seu debate en Comisión:

1. Que valoración fai a Xunta de Galicia da situación actual da fábrica de Rons e o centro adxunto en Mos de Thenaisie Provoté?

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

CSM-REXISTROG416J2968
Verificación:
<https://sede.parlamentodegalicia.gal/tramites/csv/>





PARLAMENTO DE GALICIA
REGISTRO XERAL ENTRADA
Data asento: 24/09/2020 16:30:00
Nº Registro: 2466
Data envío: 24/09/2020 14:29:05.629

2. Que actuacións ten levado a cabo a Xunta de Galicia para contribuír ao mantemento da actividade e do emprego?
3. Está comprometida a Xunta de Galicia coa defensa da actividade e emprego como fan as traballadoras?
4. Por que o Igape ten freado unha solución posible para a situación de Thenaisie Provoté?
5. Ten preferencia a Xunta de Galicia sobre algunha solución ou empresa compradora posible para Thenaisie Provoté?

Pazo do Parlamento, 24 de setembro do 2020

Asdo.: Julio Torrado Quintela
Martín Seco García
Patricia Otero Rodríguez
Leticia Gallego Sanromán
Deputados e deputadas do G.P. dos Socialistas de Galicia

Asinado dixitalmente por:

Julio Torrado Quintela na data 24/09/2020 14:15:22

Martín Seco García na data 24/09/2020 14:15:40

Patricia Otero Rodríguez na data 24/09/2020 14:18:51

María Leticia Gallego Sanromán na data 24/09/2020 14:19:03



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 - gp-socialista@parlamentodegalicia.es

Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

2. Proposicións non de lei

Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

2.1 1093(11/PNC-000088)

Grupo Parlamentario dos Socialistas de Galicia

Otero Rodríguez, Patricia e 2 máis

Sobre a constitución polo Goberno galego dunha mesa de traballo para a elaboración dun plan específico de reconstrución para a Mariña lucense que conteña unha estratexia para a súa reactivación económica

Publicación da iniciativa, 12, 08.09.2020



PARLAMENTO DE GALICIA
REXISTRO XERAL ENTRADA
Data asento: 31/08/2020 12:22:04
Nº Rexistro: 1093
Data envío: 31/08/2020 12:22:04.801

Á Mesa do Parlamento

O Grupo Parlamentario dos Socialistas de Galicia, por iniciativa das súas deputadas Patricia Otero Rodríguez e Leticia Gallego Sanroman, e do seu deputado, Martín Seco García, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 6ª.

A Mariña lucense, motor económico fundamental da provincia de Lugo, leva moito tempo facendo unha chamada de auxilio ás distintas administracións públicas para que non a deixen morrer.

Esta chamada de auxilio materializouse unha vez máis, a finais de xuño deste ano, nunha multitudinaria manifestación en Burela, convocada polas centrais sindicais UXT, CCOO e CIG, na que se reclamaba un futuro para a Mariña de Lugo e se pedían melloras en infraestruturas, en servizos, en sanidade, en educación, en industria, nos sectores primarios ...

Tendo en conta a crise industrial e de emprego que se está a sufrir na Mariña desde hai tempo co peche de grandes empresas xeradoras de emprego nos últimos anos como Ecar, Maderas Lorenzo, ECESA, Gres Burela, IPV, Macesa, Conservas Alonso ou máis recentemente Muebles Hermida, sen esquecer que tamén hai outras moitas empresas pequenas, comercios e autónomos que tamén tiveron que baixar a persiana dos seus negocios. E todo elo, agravado pola posibilidade de peche da factoría de Aluminio de San Cibrao, en proceso de venda da multinacional estadounidense Alcoa á firma Liberty House gracias a intervención do Estado.

Esta crise industrial e de emprego que xa se viña vivindo na Mariña desde hai tempo agravouse coa crise provocada pola Covid-19, e máis se temos en conta que esta comarca sufriu ao longo do mes de xullo deste ano maiores restricións sanitarias que o resto de Galicia, xa que a Xunta de Galicia decretou a principios dese mes o peche dos accesos ao distrito sanitario da Mariña (por certo, medida empregada pola Xunta de Galicia unicamente para esta comarca) e posteriormente limitou esa restrición só ao concello de Burela, provocando grandes perdas económicas. Nesta situación faise necesario e urxente un plan de reconstrución propio e exclusivo desta comarca. A Xunta de Galicia non pode desatender esta comarca ante a difícil situación que está a atravesar. A Mariña lucense ten que ter unha atención especial nesta lexislatura que agora comezamos.

CSM-REXISTRO:HK2YNDWZ6
Verificación:
<https://sede.parlamentodegalicia.gal/tramites/csv/>





PARLAMENTO DE GALICIA
REGISTRO XERAL ENTRADA
Data asento: 31/08/2020 12:22:04
Nº Registro: 1093
Data envío: 31/08/2020 12:22:04.801

Por iso é imprescindible que a Xunta aprobe un Plan de reconstrución consensuado coa oposición, coas entidades locais da Mariña lucense, así como cos axentes sociais e económicos da comarca, que conteña unha estratexia de reactivación económica dela. O dito plan debe de conter como mínimo:

- Plan de industrialización. Os gobernos de Núñez Feijóo non investiron nin un só euro en modernizar e impulsar medidas industriais para A Mariña, cando a propia Xunta de Galicia ten competencias plenas nesta materia como así lle outorga o Estatuto de autonomía de Galicia.
- Potenciación do noso turismo: tanto interior como de costa.
- Medidas de apoio á hostalería e restauración.
- Medidas de apoio aos sectores primarios: agricultura, gandería, pesca, forestal .
- Axudas a autónomos e a pequenas e medianas empresas.

Ante esa situación o Grupo Parlamentario dos Socialistas de Galicia, presenta a seguinte proposición non de lei:

O Parlamento de Galicia insta a Xunta de Galicia a que constituía de forma urxente unha mesa de traballo formada polo Executivo galego, os grupos parlamentarios con representación no Parlamento galego, os axentes sociais e económicos e as entidades locais da comarca da Mariña para a elaboración dun plan específico de reconstrución para a Mariña lucense, que conteña unha estratexia para a súa reactivación económica.

Pazo do Parlamento, 28 de agosto de 2020

Asinado dixitalmente por:

Patricia Otero Rodríguez na data 28/08/2020 14:20:12

María Leticia Gallego Sanromán na data 28/08/2020 14:20:28

Martín Seco García na data 28/08/2020 14:20:40

Gonzalo Caballero Míguez na data 28/08/2020 14:20:58



Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

2.2 2358(11/PNC-000238)

Grupo Parlamentario do Bloque Nacionalista Galego

Fernández Alfonso, Ramón e 2 máis

Sobre a posición do Parlamento de Galicia e as actuacións que debe levar a cabo o Goberno galego respecto da situación da empresa Xeal (antiga Ferroatlántica). (Procedemento de urxencia)

Publicación iniciativa carácter urxencia, 23, 30.09.2020



OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 23/09/2020 12:15:52
Nº Rexistro: 2358
Data envío: 23/09/2020 12:15:52.031

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa dos deputados **Ramón Fernández Alfonso** e **Daniel Pérez López** e da deputada **Carme González Iglesias**, ao abeiro do disposto no artigo 98 do Regulamento da Cámara, presenta a seguinte **Proposición non de lei para debate na Comisión 6ª**, sobre a situación de XEAL-FERROATLÁNTICA, polo **trámite de urxencia**.

XUSTIFICACIÓN DA URXENCIA

A urxencia vén motivada pola preocupación social xerada polo anuncio de aplicar un ERTE ao persoal das fábricas de Ferroatlántica.

EXPOSICIÓN DE MOTIVOS

O pasado 16 de setembro a empresa XEAL comunicou ao comité de empresa a súa intención de aplicar un ERTE ao persoal das fábricas de Ferroatlántica de Cee, Dumbría e das Centrais Hidroeléctricas a partir do 24 de setembro.

Un novo fito do Grupo Villar Mir, agora baixo unha nova aparencia fraudulenta, no expediente de agresións ao persoal das empresas que controla na Costa da Morte, e dada a entidade deste colectivo, contra toda a Comarca.

O primeiro que debemos manifestar é que o feito de pretender aplicar un ERTE negociado antes da venda dos centros produtivos, e polo tanto con outra representación do persoal, e en outro ámbito territorial, evidencia unha falta total de respecto polo

CSM-REXISTROXERAL-Entrada
Verificación:
<https://sede.parlamentodegalicia.gal/tramites/csw/>





BLOQUE NACIONALISTA
GALEGO
OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 23/09/2020 12:15:52
Nº Registro: 2358
Data envío: 23/09/2020 12:15:52.031

marco legal vixente na materia, polos foros de negociación propios dos centros de traballo onde a medida se quere aplicar, e polo tanto unha falta total de respecto polo seu persoal, e pola autoridade laboral competente por razón do territorio, neste caso a Xunta de Galiza, coa clara intención de represaliar a un colectivo que se ten distinguido na defensa dos seus lexítimos intereses que son, ademais, os de todo o tecido socio-económico da comarca onde se asentan os centros.

E en segundo lugar, manifestar tamén con toda rotundidade que a paralización dos fornos e da produción nos centros de Cee e Dumbría, en comparación coa plena actividade dos outros centros da empresa, evidencia un incumprimento grave e continuado das súas obrigas co mantemento do emprego nos anteditos centros de traballo e na comarca da Costa da Morte, condicións substanciais das autorizacións administrativas do aproveitamentos hidráulicos do río Xallas.

Urxe unha actuación da Xunta de acordo cos representantes do persoal dos centros afectados, na que poida compartir información sobre o nivel de ocupación nos outros centros do grupo empresarial, o nivel de dependencia do proxecto empresarial de XEAL na Costa de Morte das empresas do Grupo Villar Mir e o risco que isto supón, a utilización das Centrais Hidroeléctricas en contra dos criterios pactados con anterioridade e vinculadas á viabilidade do proxecto e ao mantemento do volume de emprego, así como o incumprimento da obriga de realizar investimentos que garantisen o futuro das fábricas e da ocupación.

Mais sobre todo, constatar que a parada da maioría dos fornos e o nivel de produción actual, e polo tanto de ocupación, supoñen un grave risco para a pervivencia das fábricas e para o futuro de toda unha comarca.





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 23/09/2020 12:15:52
Nº Registro: 2358
Data envío: 23/09/2020 12:15:52.031

Por todas estas razóns, o Grupo Parlamentar do BNG presenta a seguinte proposición non de lei para debate na Comisión 6ª polo trámite de urxencia:

“1. O Parlamento de Galiza acorda, por resolución, expresar a súa solidariedade cos traballadores e traballadoras de XEAL Ferroatlántica, e comprométese na defensa do mantemento do emprego e da capacidade produtiva en todos os centros do país.

2. O Parlamento de Galiza acorda instar á Xunta de Galiza a:

a. Demandar de XEAL que desista da aplicación do ERE anunciado.

b. Demandar de XEAL a reactivación inmediata dos fornos e a recuperación do volume previo de ocupación e de emprego.

c. Demandar a viabilidade das plantas tanto en Cee-Dumbría como en Sabón, mantendo os postos de traballo, a actividade produtiva e os investimentos precisos para cumprir cos requisitos de cesión.

d. De non cumprirse as anteriores demandas a Xunta de Galiza deberá iniciar o proceso de reversión das concesións hidroeléctricas do río Xallas.”

Santiago de Compostela, 23 de setembro de 2020

Asdo.: **Ramón Fernández Alfonso**

Daniel Pérez López

Carme González Iglesias

Deputados e deputada do G.P. do BNG





BLOQUE
NACIONALISTA
GALEGO

OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 23/09/2020 12:15:52
Nº Rexistro: 2358
Data envío: 23/09/2020 12:15:52.031

Ana Pontón Mondelo

Portavoz do G.P. do BNG

Asinado dixitalmente por:

Ramón Fernández Alfonzo na data 23/09/2020 12:14:44

Daniel Pérez López na data 23/09/2020 12:14:54

María do Carme González Iglesias na data 23/09/2020 12:15:03

Ana Pontón Mondelo na data 23/09/2020 12:15:10

CSV REXISTRO WEXYJEC0m6
Verificado
<https://seecta.parlamentodegalicia.gal/tramites/csv/>



Reunión da Comisión 6ª, Industria, Enerxía, Comercio e Turismo

Día: 23.10.2020

Hora: 10:30

Orde do día

2.3 2494(11/PNC-000262)

Grupo Parlamentario do Bloque Nacionalista Galego

Fernández Alfonzo, Ramón e Pérez López, Daniel

Sobre as demandas que debe realizar o Goberno galego ao
Goberno central en relación coa situación de Navantia Ría de
Ferrol

Publicación da iniciativa, 23, 30.09.2020



OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 24/09/2020 17:34:11
Nº Rexistro: 2494
Data envío: 24/09/2020 17:34:11.005

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa dos deputados **Ramón Fernández Alfonso** e **Daniel Pérez López** e da deputada **Carme González Iglesias**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 6ª**, sobre a situación de NAVANTIA RÍA DE FERROL.

EXPOSICIÓN DE MOTIVOS

Os centros de traballo de NAVANTIA RÍA DE FERROL chegaron a ocupar 15.000 traballadores e traballadoras, hoxe non chegan a 3.000.

A política coñecida como de reconversión aplicada polos diferentes gobernos do estado, agochando detrás de esa denominación o que resultou ser unha política absolutamente decidida a desmantelar o sector, ten provocado unha perda de poboación e nomeadamente de poboación activa na comarca de Ferrol, que acada mínimos en relación con Galiza, estando hoxe por debaixo do 50% e polo tanto nuns niveis absolutamente insostíbeis de calquera punto de vista.

Os fitos máis importantes do desmantelamento do sector foron os seguintes:

1.- 1978. PACTOS DA CASTELLANA- o goberno da UCD asina un acordo cos sindicatos españois (UGT, CC.OO. e USO) no que se inclúe a prohibición en 1982 de que BAZÁN se dedique á construción naval civil.

CSM-REXISTROPODMMT28ga8
Verificación:
<https://sede.parlamentodegalicia.gal/ramiles.csv/>





BLOQUE NACIONALISTA GALEGO
OFICINA PARLAMENTAR
Parlamento de Galicia
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 24/09/2020 17:34:11
Nº Rexistro: 2494
Data envío: 24/09/2020 17:34:11.005

2.- 1984 PSOE- Reestruturación dos estaleiros civís. Prohíbese a ASTANO a construción de buques mercantes. A comarca queda proscrita para a construción civil.

3.- 1986. PSOE- Plan de Viabilidade para Bazán. Período 1986 1989

4.- 1987. PSOE- Novo plan de reestruturación para os estaleiros civís asociado á 6ª directiva europea sobre axudas á construción naval civil. Período 1987 1989

5.- 1990. PSOE- Novo “Plan Complementario” do anterior asociado á 7ª directiva europea.

6.- 1995. PSOE- “Plan estratéxico de Competitividade”

7.- 1999. PP- “Plan de Futuro” que afecta a BAZÁN para o período 1999 2002

8.- 2001. PP- Creación de IZAR pola fusión dos estaleiros civís e militares. Desaparece ASTANO como empresa xuridicamente independente. Esta empresa de nova creación podería realizar construción civil, mais na práctica isto non afectou á comarca de Ferrol.

9.- 2005. PSOE- Liquidación de IZAR e creación de NAVANTIA. Fene xa non existe como centro separado con capacidade para realizar proxectos propios. Limítase a construción civil ao 20% da facturación en cómputo trianual.

Mais sobre as consecuencias deste plan convén non perder de vista dous aspectos de relevancia para o presente e futuro da construción naval na comarca de Ferrol: 1º as medidas de carácter restritivo da construción naval civil (20% da facturación) teñen unha duración de 10 anos, polo tanto xa superada; e 2º o expediente da Comisión Europea sobre a devolución das axudas dáse por rematado satisfactoriamente, como podemos comprobar nunha comunicación da propia comisión,

CSV REXISTRO PDMIT2698
Verificado
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA

REXISTRO XERAL ENTRADA

Data asento: 24/09/2020 17:34:11

Nº Rexistro: 2494

Data envío: 24/09/2020 17:34:11.005

e, en segundo lugar, na memoria da SEPI correspondente ao ano 2008, na súa páxina 173.

1º Compromisos Estado español

"IP/05/649 Bruxelas, 1 de xuño de 2005

Axuda estatal: a Comisión aproba a reestruturación dos estaleiros militares públicos españois.

A Comisión Europea aprobou unha reorganización dos estaleiros militares públicos españois, de conformidade coas normas do Tratado CE que permiten aos Estados membros protexeren o seus intereses esenciais de seguridade relacionados coas industrias de defensa (artigo 296 do Tratado CE). Estes estaleiros, antes propiedade de IZAR, teñen sido trasladados recentemente a unha nova empresa denominada Navantia. Desta forma España pode protexer seus intereses esenciais de seguridade rescatando seus estaleiros militares, mais asegurando ao mesmo tempo que non se produzan distorsións indebidas da competencia no mercado da construción e reparación de buques civís. A decisión ten tamén en conta, no maior grao posíbel, os problemas sociais e rexionais que concorren neste caso.

A Comisaria de Competencia, Neelie Kroes, sinalou: "Trátase dun paso importante na reorganización do sector público español de construción naval. Xunguida á venda prevista dos estaleiros civís de IZAR e a unhas xenerosas medidas sociais, esta reorganización salvagarda as necesidades da construción naval militar en España e elimina as distorsións de competencia no sector civil da construción naval".

IZAR era até finais de 2004 a principal empresa de construción naval en España. Súa presenza estendíase a 11 centros situados en Galiza, Asturias, País Vasco,



CSV: REXISTROPDNTZ69ab

Verificación

<https://seecta.parlamentodegalicia.gal/tramites/csv/>



BLOQUE
NACIONALISTA
GALEGO

OFICINA PARLAMENTAR

Parlamento de Galicia

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA

Data asento: 24/09/2020 17:34:11

Nº Rexistro: 2494

Data envío: 24/09/2020 17:34:11.005

Valencia, Murcia, Andalucía e Madrid. Contaba ao redor de 10.700 empregados. A produción militar supoñía arredor da metade das vendas.

Mediante dúas decisións adoptadas en 2004, a Comisión decidiu que determinadas axudas estatais a IZAR por valor de 864 M€3 non respectaban as normas comunitarias na materia e debían ser devoltas (véxase IP/04/633 e IP/04/1260). España invocou o artigo 296 do Tratado CE, que permite a un Estado membro "adoptaren as medidas que estime necesarias para a protección dos intereses esenciais da súa seguridade e que se refiran á produción ou o comercio de armas, municións e material de guerra", co fin de rescatar as actividades militares perante a prevista creba de IZAR. Este rescate se efectuaría transferindo os estaleiros militares de IZAR4 a unha nova empresa pública (Navantia).

En conversacións coa Comisión, España ten aceptado medidas e compromisos conforme ao artigo 298 do Tratado CE, e que terán unha vixencia de dez anos:

- as vendas civís de Navantia non excederán do 20% das vendas totais nunha media móbil de tres anos;

- Navantia comportarase nas súas actividades de acordo coas condicións de mercado. Por tanto, manterá unha contabilidade interna separada para as súas actividades civís e militares. Por cada contrato para un novo buque civil comunicarse á Comisión un cálculo de custos. No tocante á reparación de buques se lle informará con carácter anual;

- as actividades civís de Navantia non gozarán de axuda estatal ningunha, agás os créditos á exportación e a axuda ao desenvolvemento que cumpran os criterios do marco de axudas estatais á construción naval e da OCDE;





BLOQUE NACIONALISTA GALEGO
OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 24/09/2020 17:34:11
Nº Rexistro: 2494
Data envío: 24/09/2020 17:34:11.005

- o emprego en Navantia non será superior a 5.562 persoas.

IZAR entrou en liquidación o 1 de abril de 2005. Os liquidadores teñen previsto vender os activos restantes (estaleiros de Xixón, Sestao e Sevilla e unha fábrica de motores de Manises). A venda destes activos realizarase en condicións de mercado, mediante procedemento aberto, transparente e incondicional, xa que doutro xeito os compradores poderían verse obrigados a aboar as cantidades da axuda estatal ilegal pendentes de devolución por parte de IZAR."

2º Peche expediente

"Peche pola Comisión Europea do expediente de infracción a 'IZAR Construcciones navales en liquidación.

Con data 18 de setembro de 2008 a Comisión Europea acordou o peche ou arquivo do expediente de infracción, Decisión ratificada oficialmente mediante escrito da D.X. de Competencia da Comisión Europea de 22 de outubro de 2008."

Malia esta situación a partir do ano 2013, co PP no goberno, comeza a anunciarse un novo plan de reestruturación que será impulsado e negociado durante os sucesivos gobernos do PP, e asinado finalmente en decembro do 2018 polo goberno do PSOE xurdido da moción de censura.

Nótese que para o ano 2018 estaba superado o prazo de 10 anos de restricións para a construción civil, e que o PSOE levaba menos de 6 meses no goberno, polo que asinou un plan negociado na súa integridade polos gobernos do PP, evidenciando que en canto á construción naval se refire PP e PSOE son perfectamente intercambiables, e que ambos comparten un deseño de empresa para Navantia (plasmado nese plan) dedicada á construción militar.

CSV REXISTRO PDMITZ698
Verificado
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA

Data asento: 24/09/2020 17:34:11

Nº Rexistro: 2494

Data envío: 24/09/2020 17:34:11.005

En conclusión. Unha mestura de restricións europeas (hoxe vencidas) en favor da consolidación da construción naval nos estados centrais da UE; a dificultade de competir nos mercados mundiais contra os construtores asiáticos sen os necesarios instrumentos de intervención e regulación no mercado e na industria propios que compensen os que aplican eses estados; e políticas propias do estado español claramente favorables aos estaleiros do grupo situados na Bahía de Cádiz en detrimento dos centros galegos, son parte do contexto económico e socio-político no que se ven desenvolvendo o debate ao respecto do sector naval público na Ría de Ferrol.

Certamente no estaleiro de Fene están a desenvolverse contratos de natureza civil no sector da eólica mariña, mais isto non pode ocultar a evidencia de que non hai persoal da empresa principal prestando servizos nestas obras, o que fai sospeitar que non se trata de unha aposta con vocación permanente ou a futuro por parte da dirección de NAVANTIA, e sobre todo o feito de significar un volume de emprego, mesmo nas puntas de ocupación, moi por debaixo do que representa a construción naval civil, por non falar de outras características presentes na construción naval e das que adoeece a eólica mariña, como por exemplo a diversidade de servizos e tarefas, ou seu nivel de tecnoloxía.

Como tampouco hai xeito de ocultar que os contratos relacionados co sector naval civil teñen como centro de referencia os da baía de Cádiz, enviando aos da ría de Ferrol, en certas situacións excepcionais, bloques dos barcos que posteriormente teñen que ser reenviados e reparados para a súa montaxe no estaleiro da baía, nunha operativa totalmente antieconómica mais que os xestores da empresa prefiren, evidentemente por directrices políticas, antes que “consentir” a construción de algunha unidade integramente na ría de Ferrol. O exemplo dos 4 petroleiros Suezmax está aínda na

CSV, REXISTRO PDMIT2698
Validado
<https://seccr.parlamentodegalicia.gal/tramites/csv/>





BLOQUE NACIONALISTA GALEGO
OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 24/09/2020 17:34:11
Nº Rexistro: 2494
Data envío: 24/09/2020 17:34:11.005

memoria de todos e todas nós, pero ven sendo unha constante durante estes últimos anos.

Mais todos estes factores teñen un lugar común que é preciso corrixir para poder salvar a comarca de Ferrol de se converter nun absoluto deserto: a asunción por parte dos partidos políticos españois dun deseño do sector naval público na nosa Ría restrinxido ao ámbito estritamente militar, e o que é máis preocupante, con carácter subalterno respecto de deseños alleos.

Por isto resulta especialmente importante a consecución dun acordo por parte de todas as forzas políticas neste Parlamento, que representan aos veciños e veciñas da comarca de Ferrol, a favor da promoción dun sector naval sen restricións e coas infraestruturas e os medios axeitados para competir en todos os segmentos de actividade que ofrece o sector naval e marítimo.

Por todas estas razóns, o Grupo Parlamentar do BNG presenta a seguinte proposición non de lei para debate na Comisión 6ª:

“O Parlamento insta á Xunta de Galiza a que, tendo en conta a relevancia socio-económica dos centros produtivos galegos da empresa pública NAVANTIA, reivindique e esixa a existencia dunha negociación real co goberno central, que teña en conta, como mínimo os seguintes aspectos:

1. Esixir a entrada da Xunta de Galiza no Consello de Administración de NAVANTIA
2. Garantir a viabilidade económica da empresa e dos seus centros produtivos





BLOQUE NACIONALISTA GALEGO
OFICINA PARLAMENTAR
Parlamento de Galicia
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 24/09/2020 17:34:11
Nº Rexistro: 2494
Data envío: 24/09/2020 17:34:11.005

3. Activar ao máximo nivel a actividade comercial que permita alcanzar inmediatamente a suficiente carga de traballo para manter, e mesmo recuperar, o emprego de todos os cadros de persoal da industria auxiliar en NAVANTIA RÍA DE FERROL.

4. Aplicar unha correcta xestión empresarial e adoptar as medidas precisas nos ámbitos da definición estratéxica do negocio, da organización, da produción, medidas financeiras e de investimento, de enxeñería, deseño, innovación, e diversificación que permitan:

- Diseñar novos produtos dirixidos ao mercado da construción naval civil, nomeadamente no segmento dos cruceiros e do *off-shore*.
- Potenciar a Fábrica de Turbinas do centro de Ferrol, procurándolle participación nos contratos da eólica mariña, traballando para obtención de produtos propios no sector das turbinas para xeración de enerxía, e potenciando as súas posibilidades de mecanizado convertíndoo en taller central da empresa a nivel estatal que dea servizo a todos os centros.
- A construción de novos talleres, diques, e outras infraestruturas necesarias, para garantir o futuro do centro de NAVANTIA RÍA DE FERROL como Centro con plenas capacidades para a construción naval, tanto militar como civil, así como para garantir tamén a división de Reparacións e Carenas na Ría de Ferrol, conformando un Complexo Integral para a Construción Naval.
- Incluir aos cadros de persoal das compañías auxiliares en todas as medidas sociais e industriais que se adopten.

CSV REXISTRO PDMIT2698
Verificación
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza
Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 24/09/2020 17:34:11
Nº Registro: 2494
Data envío: 24/09/2020 17:34:11.005

- A incorporación inmediata como persoal propio da empresa principal de tantas persoas como marcharon ou está previsto que marchen por causa da aplicación do último plan de reestruturación posto en marcha en NAVANTIA.
- Poñer en marcha un Centro tecnolóxico do sector naval na Ría de Ferrol, coa participación da propia Xunta, SEPI, NAVANTIA, UDC, industria auxiliar, empresas fabricantes de equipamentos, etc
- Negociar de forma activa e efectiva coa Comisión europea a posibilidade de axudas á contratación na construción naval mentres non se poida garantir a igualdade de condicións para a contratación cos grandes competidores internacionais.”

Santiago de Compostela, 24 de setembro do 2020

Asdo.: **Ramón Fernández Alfonso**

Daniel Pérez López

Carme González Iglesias

Deputados e deputada do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

CSX4.FEYXJSTROPDMITZ69B
Verificado
<https://seecta.parlamentodegalicia.gal/tramites/csx/>





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 24/09/2020 17:34:11
Nº Rexistro: 2494

Data envío: 24/09/2020 17:34:11.005

Ramón Fernández Alfonzo na data 24/09/2020 17:31:08

María do Carme González Iglesias na data 24/09/2020 17:31:24

Daniel Pérez López na data 24/09/2020 17:31:47

Ana Pontón Mondelo na data 24/09/2020 17:32:02

CSV REXISTRO PDMIT2698
Validado
<https://seecta.parlamentodegalicia.gal/tramites/csv/>

